

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
VLADA**

NACRT

**ZAKON O IZMJENAMA I DOPUNAMA
ZAKONA O NOVČANOJ PODRŠCI U PRIMARNOJ POLJOPRIVREDNOJ
PROIZVODNJI**

**Nacrt zakona o izmjenama i dopunama
zakona o novčanoj podrsci u primarnoj poljoprivrednoj proizvodnji**

Tuzla, oktobar 2007. godine

Na osnovu člana 24. stav 1. tačka c) Ustava Tuzlanskog kantona ("Službene novine Tuzlansko-podrinjskog kantona" broj: 7/97 i 3/99 i "Službene novine Tuzlanskog kantona" broj: 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj dana _____ 2007 godine, d o n o s i

ZAKON O IZMJENAMA I DOPUNAMA ZAKONA O NOVČANOJ PODRŠCI U PRIMARNOJ POLJOPRIVREDNOJ PROIZVODNJI

Član 1.

U Zakonu o novčanoj podršci u primarnoj poljoprivrednoj proizvodnji ("Službene novine Tuzlanskog kantona", broj: 5/07), u članu 2. riječ „subvencije“, zamjenjuje se riječju „regresiranje“.

Poslije stava 1. dodaje se stav 2. koji glasi:
„U slučajevima utvrđenim ovim zakonom, sredstva novčane podrške iz prethodnog stava mogu se koristiti i za prehrambenu industriju.“

Član 2.

U članu 5. stav 1. riječ "poljoprivrede", zamjenjuje se riječima "primarne poljoprivredne proizvodnje".

U stavu 4. alineja 1. se mijenja i glasi: "strategiji razvoja primarne poljoprivredne proizvodnje,"

U stavu 4., u alineji 4. nakon riječi "različitostima u", dodaje se riječ "primarnoj".

U stavu 4., u alineji 5. nakon riječi "potreba za", dodaje se riječ "primarnu".

Član 3.

U članu 8. stav 1. tačka 1. nakon riječi „proizvodnje“, dodaju se riječi „ odnosno prehrambene industrije“.

U stavu 2., nakon riječi "proizvodnji", dodaju se riječi "i prehrambenoj industriji".

U stavu 3. briše se tačka i dodaju riječi: " u mjestu prebivališta."

Poslije stava 3. dodaje se novi stav 4. koji glasi:

"Novčanu podršku iz člana 10, tačka D. i E. mogu ostvariti fizička i pravna lica koja vrše otkup poljoprivrednih biljnih i animalnih proizvoda proizvedenih na području Kantona koji služe za dalju preradu."

Dosadašnji stavovi 4. i 5. , postaju stavovi 5. i 6.

Član 4.

U članu 9., stav 1., tačka 2. se mijenja i glasi: "regresiranje kamata za investicijske kredite u primarnoj poljoprivrednoj proizvodnji i prehrambenoj industriji", tačka 6. se mijenja i glasi: "kapitalne investicije u primarnoj poljoprivrednoj proizvodnji i prehrambenoj industriji".

Član 5.

U članu 10., stav 1, u tački D., riječi "Kapitalna ulaganja" zamjenjuje se riječima: "Kapitalne investicije u primarnoj poljoprivrednoj proizvodnji i prehrambenoj industriji",

U tački E., iza riječi "poljoprivrednoj proizvodnji", dodaju se riječi " i prehrambenoj industriji",

U tački F., u alineji 1, riječi "i prehrambene industrije" se brišu.

U tački G. riječi „Podršku uvođenju novih savremenih tehnologija u primarnu poljoprivrednu proizvodnju“, zamjenjuju se riječima „Participaciju u realizaciji projekta novih tehnologija od interesa za primarnu poljoprivrednu proizvodnju.“

U tački G, u alineji 4. nakon riječi "asocijacija", dodaje se riječ "primarnih".

Član 6.

U članu 13., broj "3.", se zamjenjuje brojem " 5."

Član 7.

U članu 23. , u stavu 1., u alineji 1. broj "3", se zamjenjuje brojem "5".

Član 8.

U članu 24., u stavu 1., u alineji 1. broj "3", se zamjenjuje brojem "5".

Član 9.

U članu 25., broj "3", se zamjenjuje brojem "5".

Član 10.

Zakon stupa na snagu danom objavljivanja u "Službenim novinama Tuzlanskog kantona".

BOSNA I HERCEGOVINA
Federacija Bosne i Hercegovine
TUZLANSKI KANTON
S K U P Š T I N A

PREDSJEDNIK SKUPŠTINE

mr. sci. Amir Fazlić

Broj:
Tuzla,

O B R A Z L O Ž E N J E
UZ PRIJEDLOG ZAKONA O IZMJENAMA I DOPUNAMA
ZAKONA O NOVČANOJ PODRŠCI U PRIMARNOJ POLJOPRIVREDNOJ
PROIZVODNJI

I. PRAVNI OSNOV

Pravni osnov za donošenje Zakona o izmjenama i dopunama Zakona o novčanoj podršci u primarnoj poljoprivrednoj proizvodnji (u daljem tekstu: Zakon o izmjenama i dopunama Zakona), sadržan je u odredbi člana 24. stav 1. tačka c) Ustava Tuzlanskog kantona ("Službene novine Tuzlansko-podrinjskog kantona" broj: 7/97 i 3/99 i "Službene novine Tuzlanskog kantona", broj: 13/99, 10/00, 34/02, 6/04 i 10/04), kojim je utvrđeno da Skupština Tuzlanskog kantona donosi zakone neophodne za izvršavanje nadležnosti Kantona.

II. RAZLOZI ZA DONOŠENJE

Federalnim Zakonom o novčanoj podršci u primarnoj poljoprivrednoj proizvodnji, ("Službene novine Federacije Bosne i Hercegovine, broj: 28/04) kao i Kantonalnim Zakonom o novčanoj podršci u primarnoj poljoprivrednoj proizvodnji ("Službene novine Tuzlanskog kantona", broj: 5/07) (u daljem tekstu: Zakon) je utvrđen iznos finansijska sredstava koja će se izdvajati za podrške u primarnoj poljoprivrednoj proizvodnji. Ova sredstva su do sada imala velikog uticaja na povećanje primarne poljoprivredne proizvodnje. Da bi se nastavio ovaj trend povećanja proizvodnje mlijeka, mesa, voća, povrća i ratarskih kultura potrebno je obezbijediti povoljna kreditna sredstva za otkup viškova proizvoda sa područja Tuzlanskog kantona. Iz tog razloga je uvedeno **regresiranje kamata za investicijske kredite, pored primarne poljoprivredne i u prehrambenu industriju.**

Veći dio prerađivača koji predstavljaju prehrambenu industriju Tuzlanskog kantona su izvozno orijentisani, što zahtjeva praćenje EU standarda za koja su potrebna dodatna sredstva u smislu uvođenja novih proizvodnih linija koja je potrebno sufinansirati. Ti proizvođači koriste sirovine proizvedene na području Tuzlanskog kantona. Uzimajući u obzir naprijed navedeno, kao i to da se primarna poljoprivredna proizvodnja ne može posmatrati odvojeno od prve faze prerade u prehrambenoj industriji, uvedena je **u oblast Kapitalnih investicija, pored primarne poljoprivredne i prehrambena industrija.**

Smatramo da se novčanom podrškom u ove dvije oblasti stvara povoljniji ambijent, kako u primarnoj poljoprivrednoj proizvodnji tako i u prehrambenoj industriji.

Pored gore navedenog, donošenjem Zakona o izmjenama i dopunama Zakona obezbjeđuje se pravni osnov za novčanu podršku u prehrambenoj industriji u oblasti regresiranja kamata i kapitalnih investicija, čime će se stvoriti uslovi za otkup i preradu primarnih poljoprivrednih proizvoda.

Isto tako, potrebno je stvoriti pretpostavke za izradu Prijedloga Programa trošenja sredstava novčane podrške za 2008 godinu, s obzirom da je u toku izrada Budžeta Tuzlanskog kantona za 2008 godinu.

Shodno članu 87. stav 2. Ustava Tuzlanskog kantona, predlaže se donošenje Zakona o izmjenama i dopunama Zakona, po skraćenom postupku, s obzirom da Zakon ne tretira složenu materiju, niti se radi o obimnim izmjenama i dopunama zakona.

**PREDLAGAČ:
VLADA KANTONA**